

HARGA MAMPU HATI MR Hati

EDITOR : RAHAYU MOHD SALLEH

TEL : 1-300-22-6787 SAMB: 4745

FAKS : 03-20567083/7084

DIDIK URUS DUIT



Nor Faizah Mohamed
faizah@hmetro.com.my

Sikit-sikit lama-lama jadi bukit. Sejak dulu kita didik untuk berusaha ke arah sesuatu sasaran atau impian terutama apabila ia membabitkan urusan kewangan.

Lazimnya hal kewangan si kecil diuruskan ibu dan bapanya dengan rasional kanak-kanak tidak tahu menguruskan kewangan mereka sendiri.

Apabila memegang duit sendiri dalam jumlah yang luar daripada kebiasaan, pasti pelbagai rancangan yang lahir dari fikiran anak.

Malah, golongan dewasa pun mengalami situasi yang sama sekiranya tidak bijak merancang kewangan diri.

Dalam hal ini, ibu bapa memainkan peranan penting untuk mendidik anak mengenai ilmu perancangan kewangan.

>16

AJAR JADI BIJAK KEWANGAN

Inisiatif UPM dalam pemindahan ilmu pendidikan dan pengurusan kewangan kepada komuniti terutama kanak-kanak

DARI MUKA 15

Ketua Jabatan Pengurusan Sumber dan Pengajian Pengguna, Fakulti Ekologi Manusia, Universiti Putra Malaysia (UPM) Prof Madya Dr Mohamad Fazli Sabri berkata, majoriti kanak-kanak tidak dapat membezakan antara keperluan dan kehendak hingga wujudnya budaya berhutang dalam kalangan pelajar sekolah.

Malah majoriti pelajar mengatakan ibu bapa tidak membabitkan atau menggalakkan mereka dalam perbincangan berkaitan hal kewangan keluarga.

Namun, komuniti juga perlu sama membantu terutama apabila kanak-kanak itu berada di luar lingkungan ahli keluarga seperti ketika berada di sekolah, ke kedai dan sebagainya.

Oleh itu, program komuniti bijak wang diwujudkan sebagai satu inisiatif untuk memberi kesedaran, pengetahuan dan kemahiran kepada kanak-kanak berkaitan aspek pengurusan kewangan, kepenggunaan serta keusahawanan.

Inisiatif antara Universiti Putra Malaysia menerusi kerjasama antara Fakulti Ekologi Manusia dan Kawasan Rukun Tetangga (KRT) Taman Sri Serdang ini bermula sejak 2014 apabila Dr Mohamad Fazli melakukan kajian bijak kewangan ke atas 800 pelajar tahun 4 dan tahun 5 di seluruh Malaysia.

“Pengetahuan dan kemahiran dalam kewangan amat penting sebagai persiapan untuk kanak-kanak ini berdepan dunia pasaran terutama dalam situasi ekonomi semasa.

“Peranan semua pihak ter-



SEBAHAGIAN peserta Program Adik Bijak Cerdik Duit terdiri daripada kanak-kanak berusia sembilan hingga 12 tahun.

masuk ibu bapa dan komuniti sememangnya amat penting dalam usaha untuk menjadikan pendidikan kewangan ini sebagai satu bentuk pembelajaran sepanjang hayat dalam kehidupan mereka.

“Selain itu, peningkatan statistik belia yang diisyiharkan muflis juga menjadi antara pencetus idea untuk menjalankan program pemindahan ilmu pendidikan dan pengurusan kewangan kepada komuniti terutama kanak-kanak seperti program ini,” katanya.

Inisiatif dikenali sebagai Program Adik Bijak Cerdik Duit ini bertindak secara berkongsi ilmu, pengalaman, kemahiran dan kepakaran yang ada di universiti kepada pihak komuniti khususnya dalam bidang pendidikan kewangan kepada kumpulan sasar iaitu kanak-kanak dalam kalangan komuniti Taman Sri Serdang.

Empat objektif khusus digariskan dalam program ini adalah melatih pelatih siswa-zah (GI) menguasai bidang pengurusan kewangan sebagai persiapan kerjaya mereka; melatih dan membekalkan pengetahuan serta kemahiran dalam bidang kewangan juga keusahawanan kepada jurulatih di peringkat komuniti.

Pada masa sama ia juga bertujuan melatih tidak ketinggalan membekalkan pengetahuan serta kemahiran dalam bidang kewangan dan keusahawanan kepada

facilitator di peringkat kampus (sukarelawan dalam kalangan mahasiswa) selain meningkatkan pengetahuan, amalan juga kemahiran dalam kalangan peserta program mengenai ilmu pengurusan kewangan, kepenggunaan, keusahawanan serta penggunaan lestari.

Program Adik Bijak Cerdik Duit ini berlangsung selama empat bulan sejak November 2016 sehingga Februari 2017.

“Program dilaksanakan pada setiap Sabtu selama dua jam untuk tempoh 16 minggu. Berdasarkan saranan pakar psikologi, tempoh ini sesuai untuk melihat sejauh mana keberkesanannya program dari segi peningkatan pengetahuan, tingkah laku dan kemahiran kanak-kanak dalam aspek pengurusan kewangan, kepenggunaan dan keusahawanan.

“Pendekatan yang diterapkan di dalam program ini pula lebih kepada ‘Belajar Sambil Bermain’ yang bersesuaian dengan fitrah kanak-kanak,” tambahnya.

Menariknya, program dikendalikan oleh jurulatih terdiri daripada pegawai akademik dan pegawai pelaksana yang berpengalaman lalu dibantu fasilitator dalam kalangan mahasiswa yang dilakukan secara sukarela.

Seramai 33 pelajar berusia antara sembilan hingga 12 tahun di KRT Taman Sri Serdang menyertai program ini yang dilakukan dalam dan luar kelas.

PROGRAM

Adik Bijak Cerdik Duit ini tidak terhad di dalam kelas malah kebanyakannya aktiviti dilakukan di luar.



SEBAHAGIAN modul pembelajaran dan program yang berlangsung sehingga bulan depan.